









70.

# MATHÆI MAGNI

De præfenti Parisiensis Aca-  
demiæ rerum statu

Oratio.

*Ad doctissimum & prudentissimum  
virum CLAUDIUM ALTITE-  
CTIVM in Senatu Parisiensi causa-  
rum patronum.*



*Ex Typographia, Dionysij à Prato, via  
Amygdalina, ad Veritatis insigne.*

---

1588.

Case

THE

39-104-7a-11-1

324

1588L

THE NEWBERRY  
LIBRARY



## HVMANISSIMO ET

doctissimo Viro D. CLAUDIO DV

H A V L T O Y In Senatu Parisiensi

causarum patrono Io. MA-

THÆVS MAGNVS

S. P. D.



VTHORITAS tua, & beneuolentia erga me, vir Clarissime, hanc mihi è manibus orationem excutunt. Etsi enim satis magnum fructum collegisse mihi videbar ex eorum approbatione, qui suo concursu & frequentia concionem nostram honestarant: & non eram nescius, deteriore conditione esse orationis cum legentium morositati subiiceretur, quàm cum audientium benignitati committeretur: tamen cum tu, ut hanc emitterem, & pro authoritate suaderes, & pro beneuolentia rogares, authoritati repugnare non potui, beneuolentie negare non debui. Itaque te rogo, ut quod beneuolentia impetrauit, id be-

A iij

neuolo animo accipias : quod authoritas  
 expressit , id contra flagrantes inuidiæ  
 morsus eadem authoritate tueare. Sic &  
 ipse ex hoc meo officio duo consequar : ut  
 & minore cum periculo hominum iudi-  
 cia subiisse videar : & tuam in me pie-  
 tatem, quam maximam, & pulcherrimā  
 hereditatem parens meus D. Magnus  
 mihi reliquit, saltē hoc obseruantie meæ  
 pignore coluisse. Bene Vale. Ex nostro  
 Cœnomano. Idib. Octob. an. 1588.

AD IO. MATHAEVM MAGNUM  
 EPIGRAMMA.

**I**Nuida cū MAGNUM subtraxit Parca, Lepores  
 Dicendi cunctos collachrymasse ferunt.  
 At MAGNI solamen habet, Academia postquā  
 Te fouet amplexu (MAGNE diserte) suo.  
 Sic Phœnix uno moriente renascitur alter :  
 Sic ruptis MAGNI natus es exuniis.  
 Eloquio MAGNVS meruit sic ille vocari,  
 Tu dignus dici MAXIMVS eloquio.

NICOLAVS YVELIN.





70.

# MATHÆI MAGNI

De præfenti Parisienfis Aca-  
demix rerum ftatu

Oratio.



ELLEM Deus Opt.  
Max. feciffet (Audi-  
tores) vt eo loco fita  
effet fcholaflicæ rei  
ratio, vt hoc tempo-  
re huiusce argumenti tractandi o-  
ccafionem non haberem : ac noftris  
fortunis nobis potius gratulari lice-  
ret, quàm de temporum, vel potius  
hominum noftrorum iniquitate cō-  
queri effet neceffe. Sic enim fieret,

A iij

vt & mihi de Academiae ornamen-  
 tis dicenti latior pateret ad dicendū  
 campus, & vobis fortasse hæc nostra  
 oratio iucundior esset, qui illius lau-  
 di, & amplitudini animis, volunta-  
 tibusque fauetis. Quod si Respubli-  
 ca literaria etiam in posterum eidē  
 sorti obnoxia, et eodem fato perpe-  
 tuò vsura videretur, tacerem equidē,  
 nec arbitrarer oratorem in eo argu-  
 menti genere debere versari, quod  
 studiosorum animis, neque ex præ-  
 senti rerum statu gaudium, neque  
 ex meliorum spe solatium, sed ex  
 præteritæ conditionis recordatione,  
 & perpetuo ærumnarum cursu fasti-  
 dium adferret. Sed quemadmodum  
 nautæ in medio mari, densissimis,  
 tenebris, incerto, aut nullo sydere,  
 cæco volente fluctu aliquādiu pe-  
 riclitantes, tunc demum recreari in-  
 ciipiunt, & animos periculi magni-

tudine demissos ad spem recuperan-  
 dæ salutis erigere, si sibi Castoris &  
 Pollucis benignum sydus oriri cœ-  
 perit: Sic nobis in hac Reip. litera-  
 riæ naui iamdiu communium tem-  
 porum malis, tanquam sæuiantibus  
 procellis agitatis, cū iam prope-  
 modum discussis cæcæ caliginis te-  
 nebris, quæ his annis sese literarum  
 splendori offuderat, nouus melio-  
 ris spei fulgor, & futuræ fœlicitatis  
 radius affulgeat, existimaui fore, vt  
 in hac nostra oratione plus futurorū  
 spes ad delectationem, quàm præ-  
 teritorum recordatio ad animorum  
 acerbitem valeret. Itaque cum in  
 hac quantulacunque adhuc tenuem  
 spiritum ducentis Academiae cele-  
 britate docti, & industrii viri pro sua  
 quisque parte publicis exercitatio-  
 nibus & suæ in communem literarū  
 causam voluntatis testimonium, &

industriæ ac facultatis exemplū exhiberent : ego pro mea tenui, & infirma parte libenter feci, vt eā provinciam mihi deposcerem, quæ verè studiosorum animis & voluptatis aliquid, & utilitatis adferret. Quid enim vtilius contingere posse arbitramur iis, quorum omnis industria vitæ, & vigilandi labor in hisce studiis expromitur, quàm intelligere, se non iam amplius, vt antea, ad spem nullam certam certum quotannis laboris, studii, rei familiaris impendium facere: sed sibi decurso hoc virtutis, & industriæ studio amplissima esse honoris, & dignitatis præmia proposita? Quid porro iucundius, quàm mecum simul recognoscere, vnde his superioribus annis Academia vastitas, ac propemodum literarum calamitas nata sit: & vnde nunc nostris animis spes melioris sortis, & prosperioris



ſuperioris curſus oboriatur? Atqui id  
 mihi propoſitum eſt (auditores) pro  
 hodiernæ declamationis penſo, vt &  
 præſentis, & iſtantis temporis cō-  
 tentione facta, nimium torpentes  
 ad ſtudia iuuenturis animos excita-  
 rem: vt, quantum in me eſſet, præ-  
 teriti temporis vulnera ſanarem: vt  
 ad bene de omni republ. literaria  
 ſperandum quaſi ſignum aliquod e-  
 fferrem: vt oſtenderem, quid factum  
 ſit, vt hæc Academia patrū, & ma-  
 iorū noſtrorum temporibus floren-  
 tiſſima, ita ſenſim imminuta ſit, vt  
 hæc fatali temporū calamitate reti-  
 neat propemodum veſtigium nullū  
 priſtinæ dignitatis: quibus cōrectu-  
 ris adductus ſperem nunc illā multis  
 calamitatibus perfunctam ad ſpem  
 priſtinæ dignitatis recuperandæ re-  
 uiuiſcere? Atque vt intelligatis ex  
 quanta amplitudine, & dignitate

fors nostra deciderit, vos qui ali-  
 quantò ætate prouectiores estis,  
 prospicite quæso animis spatium  
 præteriti temporis, & pueritiæ me-  
 moriam recordamini vltimam, inde  
 vsque repetentes effigiem nostræ A-  
 cademiæ, quæ tum fuerit, animo &  
 cogitatione lustrate. Nimirum sic  
 ego reputo, multos esse ex vobis, qui  
 memoria teneât, bonis illis tempori-  
 bus, cùm pax ciuilis in Gallia vige-  
 bat, cùm omnia virtute & doctrina, nō  
 prauis, & inhonestis artibus obti-  
 nebātur, ita numerosum Musarū ex-  
 ercitū in hac vrbe fuisse, vt & regio  
 satellitio formidolosus esset, ac pro-  
 pemodum toti vrbi grauis haberetur.  
 Inter sum nonnunquā maiorum  
 natu sermonibus, qui de illa vetere  
 Academia, quæ tum fuit, cùm mul-  
 ta magnificè, & splendidè dixerunt,  
 vsque eò suis sermonibus effeiri non



dubitāt: vt militaris ætatis studiosorum iuuenū nō minus quàm viginti millia in hac vrbe dicant fuisse. Cū omnia collegiorum cœnacula, omnes cellulæ ita erant repletæ, vt præ locorum angustiiis de lacunari cubilia funibus demitterentur. ita omnia auditoria studiosorū concursu celebrabantur, vt vndique circumfluentem multitudinem collegiorum angustia capere non possent. Iure igitur tunc temporis florebat Academia dignitas; verè tum apud exterarum nationes tãquam celeberrimus totius orbis Parnassus habebatur: Iure tū habuit Strebæos illos, Turnebos, Carpétarios, Ramos: quibus tū pro sua doctrina celebritas, pro dignitate honos, pro beneficij qualitate gratia, pro labore fructus, pro semine messis contingere solebat. Qui si nunc fractis naturæ

legibus in hanc lucē reuiuiscerent, ō  
 Dij immortales, quid dicerent! en  
 campos vbi Troia fuit! Certē enim  
 in media Academia celebrare. A  
 cademiā ipsam requirerent: deinde  
 verō suæ fœlicitati gratulantes, quo-  
 rum ætatem fortuna in illa tempo-  
 ra collocasset, de nobis suis posteris  
 has flebiles emitterent voces.

*Grandia sepe quibus mandauimus  
 hordea sulcis,*

*Infœlix lolium, & steriles nascun-  
 tur auenæ,*

*Pro molli viola, pro purpureo Nar-  
 cisso*

*Carduus, & spinis surgit paliurus  
 acutis.*

Nec verò illa tanta dignitas subito  
 vno repentino impetu ad tantam  
 deuenit calamitatem: sed vt in cate-  
 ris mortalium rebus fieri solet, quæ  
 nunquam in eodem statu perma-

nent, sed cū ab exiguis principiis  
 ortæ sēsīm creuerint, & multis pro-  
 gressionibus factis ad suæ perfectio-  
 nis fastigium peruenerint, eodem  
 modo, iisdē veluti gradibus sēsīm  
 decrescunt, & tandem ad nihilum  
 prolabūtur: sic nos hanc reip. litera-  
 riæ potentiā, longa temporum suc-  
 cessione auctā, & ad summæ digni-  
 tatis fastigiū euectam, Carolo reg-  
 nante iam paulatim minuebamus,  
 postea verò ab hinc nouē, aut decē  
 annis iam propemodum penitus a-  
 milimus. Cuius quidem fatalis sortis,  
 & calamitatis nō solæ sunt illæ cau-  
 sæ, quæ fortasse vulgò esse putantur:  
 Auditores: Scruiente peste Musarū  
 exercitum dissipatum fuisse: Illud  
 publicum vulnus annis subsequenti-  
 bus subinde recruidisse: ab illo im-  
 probō, & diuturno malo vixdum  
 recreatos famem excepisse: post cō-



tinuata malorum serie periculosissimum ciuile dissidium ingruisse: his tot, tantisque malis rempublicam literariam agitantibus, pristinae fortunae splendorem retineri non potuisse. Quae omnia etiamsi grauissima sint, non sunt tamen eiusmodi, ut iis prorsus Academiae solitudo & vastitas accepta referri debeat. illa etenim mala non priuata, ac propria rei literariae, sed publica, & communia omnium ordinum fuerunt. Nec tamen reliquas Reip. Gallicae partes quamuis grauius affectas, ita fractas ac debilitatas videmus, ut adhuc suis nervis, ac viribus, & suo robore subsistere non possint. Pestis quidem fuit diuturnum malum, sed non ita seuum, ut musarum exercitum tantum à suis signis alienum habere debuerit: famis magnum, sed non diuturnum: belli repentinum, sed subito extir-

etum. Nec verò id quod modò sur-  
dicturus, satis habet momenti, vt  
nostræ Academiæ vastitatem infer-  
re videatur. iuuentutem hoc tem-  
pore in propriis sedibus optimis ar-  
tibus, & disciplinis informari: in  
singulis vrbibus artium professores  
opimis stipendiis, & honestis con-  
ditionibus haberi: totam Galliam  
Iesuitarum coloniis esse distinctam:  
ita vt ad bonarum artium, & disci-  
plinarum mercaturam, longinquâ  
peregrinatione suscipere, aut sum-  
ptibus grauari, aut labore fatiga-  
ri, aut denique à charissimo paren-  
tū amplexu diuelli minimè necesse  
sit. Sunt ista quidem omnia aliquid,  
atque adeò multum: sed nequaquâ  
tamen in iis sunt omnia. Quando  
enim hoc non fuit, etiam tum, cùm  
in Gallia Iesuitarum nomen esset i-  
gnotum, vt non in singulis vrbibus

artium magistri, & iuuetutis doctores publicis stipendiis alerentur? ut iuuentus optimis moribus, & disciplinis non imbueretur? nec tamen eam ob causam hanc Academiam minor studiosorum iuuenum concursus, & frequentia celebrabat. Imò verò sic fieri solere accepimus, ut quæ in vrbe præceptores sint doctrina, & probitate ad omnem humanitatis partem instructiores, ex ea plures huic Academiæ singulis annis partus nascantur. Quorum animis cum bonis præceptis, & bonis exemplis virtutis, & doctrinæ concitata fuerint desideria, nisi ex hisce limpidissimis fontibus illam suam honestissimæ cupiditatis sitim nunquam explere se posse arbitrantur. Nec verò si Iesuitana societas suum nomen per totam Galliam longè, latèque ad docendi gloriam propagauit, id



circo illam hominum animis præceptam & à multis seculis pœnitus insitam opinionem potuit, aut poterit vnquã euellere, vnã esse Academiam Parisiensem, quæ semper lectissimis hominũ ingeniis floreat: in quã præ ceteris purè & castè Musarum sacris operetur: ex qua denique, si quid apud alios sit doctrina, & eruditione eximium, tanquam à suo capite, & fonte ductum, & derivatum esse iudicetur. Vt communi hominum iudicio nemo vnquam satis eruditus esse possit, nisi qui Lutetiæ studuerit, & nemo pariter nõ doctus esse existimetur, qui in suorum studiorum ratione possit tanti nominis prærogatiua, & vrbis authoritate gaudere. Quid igitur dicemus, aut quam causam huic tantæ solitudini, ac propemodum extremo reip. literariæ fato possumus

prætexere? an dicemus Academiam iam senescentem, & quasi effœtam, & suauiſſimo doctrinæ nectare exhaustam, ſibi ſubinde renaſcētes filios lactare non poſſe, ita vt non iuuentus Academiae, ſed Academia iuuentuti deeſſe videatur? Sed quid minùs veriſimile eſt, quàm vt in eâ, quæ ſingulis annis noua ſobole renaſcitur, ſenium cadat, aut ea, quæ iam etiam parere poteſt, eos quos ex ſeſe peperit, alere non poſſit? Quid porro de communi parēte tam malè merita eſt huiusce noſtri ſeculi ſtudioſa pubes, vt quod antea benignè præbuit, nunc malignè tribuat? utrū tandē illius vel benignitatem ſuſpectā, vel frugalitatem deſpectā habebimus? ô iniqua parens, ſi quas mammas plenas, atque vberes ſuis prioribus alumniſ ſuggendas dedit, eandem nunc vobis, adoleſcentes,

quorum non minorem curam gere-  
re debuit, velit exarescere! ô parum  
frugi materfamilias, si ita suas opes  
omnes profudit in alios tanquam  
primigenios filios, vt nihil sibi reli-  
qui faceret, quod vobis miseris, tan-  
quã ignobilioribus foetibus tribue-  
retur! ô nostri temporis iniqua  
conditio, si cùm honos, dignitas,  
omnia denique quæ virtutis præ-  
mia esse debebãt, à Musarum alum-  
nis sint abiudicata, etiam hic nobis  
suauissimus doctrinæ, & eruditionis  
pastus subtrahitur! Sed neque etiã  
hac in parte quidquam habetis, a-  
dolescentes, quod de vestra sorte, &  
temporum cõditione queri possitis.  
nam nec vobis doctissimorum vi-  
rorum studium deest, nec ipsius A-  
cademiæ suas opes omnes liberali-  
ter explicantis, & ad se magna voce  
vocantis authoritas. Atque vtinam

quantum illi doctissimi viri, qui contra sequeutes communium temporum procellas fluctuantis, ac propemodum demersæ navis literariæ clauum ægerrimè tenent, utinam inquam, quantum illi vestra causa & cupiunt, & possunt, tantundem illis ex vestro concursu, & frequentia celebritatis, ex mutua beneuolentia gratiæ, & charitatis accederet. Certè enim si cum illorum virtute, & industria à vobis paria omnia fierent, nō Rami, nō Turnebi, nō Carpenterarii deessent: nihil denique aut vobis ad plenam doctrinæ, & scientiæ satietatem, aut ipsi Academiæ ad summam dignitatem requireretur. Sed sæpe tales emisimus voces, auditores, sæpe eiusmodi inanes querelas à nobis audiuit aer, sæpe talium votorum nostrorum facta est quantumcunque surda conscia tellus:



Cúmque hoc ipso tempore omniú theatra ludis, & spectaculis publicis celebrentur: cùm omniú cathedræ loquátur: cùm omnes Vniuersitatis partes doctissimis vocibus vndique personent: cùm denique omnia muta, & inanima vocib. respondeant, tamen ita sunt homines huiusce temporis vel inuitis Musis, vel iratis Gratiis nati, vt tot bládæ inuitationes vix paucos adolescentes ad has Musarú epulas ciere possint. Eósque ita fastidiosos, & delicatos, vt illos copia inopes reddat: qui in magno doctrinæ conuiuio, & apparatu cùm omnia fastidiosè, carpserint, vix quidquam quod sibi aut ad stomachum, aut ad palatum faciat, inueniát: & pro beneficio non modò nulla gratia se obligatos teneri, sed etiam pro affectationis officio gratiam pro-

pemodum sibi deberi arbitrentur. Vndenam igitur illud nostris hominibus tam insolens bonarum rerum fastidiū? aut quid causæ dicere posse videbuntur ij, quos fortunæ suæ amplitudo, & familiæ dignitas ad splendorem vitæ, ad honorem, & dignitatem vocat, qua causa se possint vel à stultitiæ, vel ab ignaviæ reprehensione eximere? si pestilentia extincta, fame compressa, bello sedato, Academia doctis hominibus habundante, sublatis omnibus iis, quæ illos à Musarum sacris arcere poterant, tamen vel harum literarum splendorem, ac nobilitatem nō agnoscūt, quòd est stultitiæ, vel cū agnoscant contemnunt, ac negligunt, quod est vel socordiæ, vel ignaviæ? Adeste verò animis (auditores) adeste inquam, & huiusce rei veras causas accipite, & Reip.



literariæ vulnera mecum simul recognoscite. Certè enim si quis vestrum antea mirabatur, quæ causa sit tantæ studiosorû iuuenum paucitatis, mirari desinet, & mirabitur profectò potius, quàm fiat, vt etiam aliqui reperiâtur, qui meliore quodam spiritu afflati literarum studia capeßere, & Musis ipsis tanquàm ingratis dominis seruire non dubitent. Etenim si M. Tullius quondâ mirabatur quid esset, cur in Republica florente, in magna eloquætiæ gloria, maximis præmiis propositis vel ad opes, vel ad gratiam, vel ad dignitatē, tamen nequaquā satis multi reperiēntur, qui hanc arduā, & difficilē virtutis, & doctrinæ, viā ingredi vellent: nos in hac ignoratię dominatione, rerum omnium perturbatione, nullis præmiis propositis, nulla gratia, nulla dignitate, mi-

rabimur paucos esse, qui his, honestis quidem, & liberalibus, sed tamē operosis, & difficillibus artibus studeant: ex quibus nihil sibi vel præsidij ad vitam, vel commendationis ad gratiam, vel suffragationis ad honorem, vel adiuventi ad fortunam existiment posse contingere? Quis in ea republica virtuti seruiat, vbi omnia pecuniæ exæquata videat? quis ibi bonarum artium sit studiosus, vbi nullus bonis artibus locus relinquatur? Vos fortasse, auditores, istud facitis, cū paucis aliis, Quis meliore luto finxit præcordia Titan. Quibus sua sponte virtus, & doctrina chara est: & ad quos, tanquam ad saniores Reip. corporis partes, nondum talium corruptelarum contagio peruenit. Difficile verò dictu est, quàm sit illorum infinita multitudo, quos  
hæc

hæc sola ratio à Musarum cultura  
 reiiciat, quòd ingrata, & steriles suis  
 cultoribus esse existimentur. Quid?  
 si quædam esset Respublica ita con-  
 stituta, vt ita quisque plurimùm  
 potentiæ, & authoritatis haberet,  
 vt quisque esset ingenio, & volun-  
 tate deterrimus: vbi præmia malefi-  
 ciis, pœnæ virtutibus proponeren-  
 tur: quis mirari deberet si in ea Re-  
 publica Virtus sorderet, Prudentia  
 sileret, honestæ & liberales artes ia-  
 cerent: & in earum locum Stultitia,  
 Ignorantia, Vitia denique omnia  
 supponerentur? Atqui sic hodie in  
 Gallia viuitur, vt malis, vt indoctis,  
 vt stultis esse expediat. Etenim ad  
 vos ipsos refero auditores: & ne  
 tacitæ vestræ cogitationes huic, vt  
 videtur, tam incredibili dicto, prius  
 quàm meas rationes acceperint, fi-  
 dem derogent, à vobis peto, vt ea,

quæ quotidiana experientia com-  
 perta sunt, apud animos vestros  
 reputetis. Si quis sit in vna fami-  
 lia, in quem prolixior fuerit natu-  
 ræ benignitas, quique ipse ad eas  
 animi dotes à natura acceptas bona-  
 rum artium subsidia, tanquam no-  
 uum virtutis, & industriæ comeatû  
 adiunxerit, quò ad omnem ciuilis  
 vitæ partem instructior esset, nōne  
 ille forēsi militiæ & agendarû cau-  
 farum laborioso muneri destinabi-  
 tur? nonne suæ virtuti & industriæ  
 relinquetur, vt eò honoris, & dig-  
 nitatis prouehatur, (non quidem  
 assequendis honoribus, sed pecuniis  
 congerendis, qui solus honos hoc  
 tempore in Gallia est) quò illum sua  
 virtus, & industria prosequi potue-  
 rit? At contrà si quis sit aut à natura  
 malè informatus, aut à sua volun-  
 tate malè feriat, ignauia, stultitia,



vecordia insignis, nec sibi nec alteri  
 vtilis, ad nullam non modò ciui-  
 lis ac politicæ, sed nec priuatæ qui-  
 dem ac domesticæ vitæ partem  
 idoneus, ei potissimùm à suis paren-  
 tibus vel iudiciarium munus, vel  
 alterius militiæ præfectura quære-  
 tur. Vt quemadmodum claudus  
 inequum ascendit, ne sua claudi-  
 catio deformis appareat, & vt pedū  
 tarditas equi celeritate corrigatur:  
 sic iste in celsiorem dignitatis sedē  
 conscendat, non modò vt suę infan-  
 tiæ, stultitiæ, inertiae, cultu ipso ex-  
 terno, & splēdida honoris specie ve-  
 lificetur: sed etiam vt quod decus, &  
 ornamentum sua virtute obtinere  
 non potest, id paternæ pecuniæ  
 beneficio consequatur. Nec verò  
 est quòd quisquam me aliqua cu-  
 piditate inductum ista liberiùs di-  
 cere putet, quàm veriùs: aut istas

contumeliæ potiùs quàm doloris  
 & querelæ voces arbitretur. Ita  
 enim mihi saluâ republica literaria  
 vobiscum simul frui liceat (audito-  
 res) vt nihil dico, in quo ego aut in  
 amplissimum ordinem, aut priua-  
 tim in quemquam conuitii aculeû  
 fuerim meditatus. imò verò graui-  
 ssimorum, & doctissimorum viro-  
 rum vicem doleo: qui profectò illas  
 totius ordinis labe, & quasi cõmu-  
 nis dignitatis maculas sine acerbissi-  
 mo doloris sensu in suis tribunalibus  
 videre non possunt. Quorû virtus  
 eò splendidior est, & præstantior,  
 quod vt Cato quondam in fæce  
 Rômuli videbatur inter aliorû sor-  
 des splendidiore honore clarescere:  
 sic hi suam prudentiam, & integri-  
 tatem nec eius, quæ modò incre-  
 bruit ignorationis tenebris obscu-  
 rari, nec sordibus obsolescere pa-



tiūtur Quòd si quis aut ea quæ à me  
dicta sunt, aut quæ iam dicenda sunt  
ad suam aliquā contumeliā trahere  
volet, nō tam ille à nostra, oratione  
indicabitur, quàm à sua ipsius con-  
scientia iudicabitur: itaque prius se-  
ipsum oderit, quàm mihi succenseat  
necesse est. Ea dico quæ quotidie  
fiunt, quæ patent, quæ nota sunt  
omnibus. Itaque dicam libenter,  
nec cuiusquam abditos sensus, &  
tacitas cogitationes extimescam,  
Quàm multos hodie in tribunali-  
bus iudices, & consiliarios sedere  
putatis, qui nunquam sedissent, nisi  
ignavi, inertes, stupidi, & hebetes  
fuissent? Quàm multos, qui cū  
inter doctos, & industrios viros  
locum aliquem assequi non possent,  
istuc potissimū pecuniæ gradibus  
ascenderunt? non electi ex omni-  
bus, qui de republica plurimū

meriti essent, sed relictī ex omnibus, qui nihil ne de priuata quidem re mereri posse viderentur. Qui id totum quod honorati sunt, siquidem sunt, non virtuti, non humanitati, non bonis artibus: sed inertia, sed ignorantia, sed cæcitati, sed perditis rationibus acceptum referre debeant. Præpostero mehercule, & nouo modo: vt qui in inferioribus subselliis consistere non possit, is in tribunalibus sedeat. Vt eò per summam ignorantiam, & ignauiam ascendat, quò summa doctrina, & industria, nisi prius sordibus contaminata, aspirare non posset. Vt de æquo, & bono pro tribunali cognoscat, qui in plano nihil vnquã æqui boni cognouit, Vt in alienis causis iudicium ferat, qui si aliquid pudoris, & modestiæ haberet, ipse de se aliorum iudicia deberet horres-

cere. Vt is præsidi consilium suggerat, qui quod sibi, & suis studiis malè consuluit, ideò consiliarius est effectus. Denique vt is potissimùm iustitiam dispenset, qui, si aliqua pars iustitiæ vigeret, ipse ab omni eiusmodi procuratione longè remotus, inter postremos homines iners, & ignauus in suæ ignorationis tenebris perpetuò iacere cogeretur. Hæc est, hæc est, (auditores) nostri fundi calamitas: cùm parentes suos filios pecuniæ seruire magis cupiunt, quàm sterilibus, vt putant, & inutilibus artibus implicari. Cùm vident post multos, & magnos sumptus, nihil adhuc se effecisse, quo sui filii honoratiores esse possint: perpetuòque illis humi esse reptandum, nisi fortioribus pecuniæ machinis sursum attollerentur. Quid? ipsi iuuentuti hac publicorum munerum, & præ-

feſturarū nundinatione quanta ad  
 inertiam, & nequitiam fenēſtra a-  
 periri vobis videtur? Cū ita apud  
 ſeſe reputant, parentes ſuos iam tū  
 in animo ſuo ratiocinari, & ita ad  
 vtrumque ſe comparare: Meus filius  
 ſi rectē ſtuduerit, cauſarum patro-  
 nuſeſſe poterit: ſi in ſtudiis nihil e-  
 gerit, illi conſiliarij militia emetur.  
 Eſt, Diis gratia, vnde hęc fiant: &  
 illa lacuna rei familiaris poſteā ex  
 ipſius honoris fructu facilē exple-  
 bitur. Hęc cū ita ſe habere vnus-  
 quiſque facilē intelligat, quis eſt qui  
 non malit per luxum, & laſciuiam,  
 & inertiam tempus terendo paren-  
 tem neceſſitate aſtringere, vt ſeiſpſū  
 conſiliarium faciat: quā egregiē  
 literis operam nauando, ſibi ipſi  
 in poſterūm quaſi legem perpetui  
 laboris, indiſtriæque imponere?  
 Nam vt quis ſatis peritē, & cōmo-  
 dē patroni



de patroni partes obire possit, doctrina & eruditione opus est: ut quis consiliarii munere defungatur, nil factu facilius. Satis est Lutetiæ, & in aliis urbibus aliquandiu studiorum causa fuisse: legitimis gerendis honoribus ætatis tempus attigisse: quæstoribus regiis præscriptam pecuniæ summam numerasse: aliquam legum & paragraphorum farraginem sibi ab aliquo peritiorum concinnatam coram paternis amicis ad eam rem iam dedita opera comparatis vel ex scripto, vel memoriter recitasse: paucis interrogatiunculis non admodum captiosis, & subtilibus rectè, vel perperam respondisse. Hæc qui facere potuerit, iam sesquipedali vocabulo Dominus Consiliarius appellabitur. iam splendido honoris titulo sese magnificè circumspiciet. Et qui paulò antè præ



suæ ignorationis conscientia in do-  
 ctorum hominum conuentu ne  
 mutire quidem ausus fuisset, iam  
 arroganti supercilio cæteros tanquã  
 infra se positos despiciet, nec præ  
 se quenquam hominem ducet: et  
 si minùs cum ratione, & veritate, at  
 saltem cum fastu, & authoritate lo-  
 quetur. Quotiescunque verò mu-  
 neris sui ratio tulerit, vt litibus ex  
 tempore diiudicandis in iudicum  
 consilio sedeat: si rem ipsam, qua  
 de agitur, disceptantibus patronis  
 intelligentia sua comprehendere nõ  
 potuerit: etiam facilis, & expedita  
 ratio est, qua ratione possit ex illo  
 suæ ignorationis cœno emergere.  
 Satis est enim peritiorum iudicio  
 comitem suam sententiam adiun-  
 xisse: et solemni inter illos formula  
 dixisse AD IDEM. vt talium con-  
 siliatorum non ad controuersum

ius dirimendū prudentia, sed ad sententiarū numerū explendū infantia quæsitā videatur. Itaque quemadmodum Plautus quosdam famulos homines trium literarum homines appellauit: sic nos eiusmodi ineptos, & ignaros, qui nihil sciunt dicere nisi AD IDEM, cur non trium syllabarum Consiliarios appellare iure possimus? ô sordidum, & contumeliosum honorem iis, quos ad iudicandum, & ad Remp. regendam non sua virtus, aut dignitas euexit, sed paternæ pecuniæ magnitudo prouexit! ô Remp. malè constitutam, in qua qui primas tenent deuiis tramitibus, & iacturis rei familiaris ad laudem, & amplitudinē nō virtutis via grassantur. M. Marcellus is, qui primus Annibalem in Italia docuit posse non modò mora frangi, sed etiam militari

robore superari, de hostilibus manubijs templum Romæ Honori consecrauit: in ipsius autem templi vestibulo Virtutem dedicauit: ut earatione ostenderet, hominibus ad honorem per virtutis ianuam aditū patere. Si igitur nobis ad honorem tendentibus obferatę essent illę virtutis fores: in ipsius autē templi recessu posticum esset, quod à quibusdam barbaris latronibus obsessum teneretur, qui neminem, nisi prius data ingenti pecunia, in templum intromitterent: quis nostrum inutili labore per arduum illum virtutis tramitem conscenderet; ut cū eō peruenisset sudans, atque anhelus, fores pultaret, ad valuas sederet, donec vel fame cogente, vel nocte adveniente, vel cœli inclementia sæuiente, à Virtute recedere, & domū suam sese recipere ridiculus cogere-

tur? Nonne huiusce Gallici regni  
 simillima est ratio? Templum illud  
 honoris sunt dignitates, sunt præ-  
 fecturæ, sunt ea omnia, quæ in be-  
 nè constituta Republica studiosorū  
 hominum virtutis, & industriæ præ-  
 mia solent esse. Ad illud augustissi-  
 mum templum ingeniosis, & stu-  
 diosis hominibus maiorum nostro-  
 rum temporibus per virtutem iter  
 maximè patuit: nunc hæc fatali tē-  
 porū calamitate Virtutis fores clau-  
 sæ sunt: posticum autem illud ab  
 immanibus prædonibus obsideri vi-  
 demus: ab iis inquam canibus, qui  
 principis soliū lambunt; à quibus  
 non virtutis non doctrinæ, non  
 ullius honoris, sed explendæ fa-  
 mis, sed prædæ, & sanguinis ratio  
 habeatur. Quorum tamen avaritia  
 in rapinis eò tolerabilior est, quod  
 neminem expilant, nisi qui se ultro



illorum cruentis manibus obrule-  
 rit. Honoris adipiscendi gratia,  
 inquis, cuius semper optimus quis-  
 que maximè fuit studiosus. Quasi  
 verò in eiusmodi turpitudine quid-  
 quam possit honorificum esse:  
 aut illud Honoris templum dici  
 debeat, cuius numen sola pecunia  
 placetur: cuius Sacerdotes, & My-  
 stagogi sint fures: ad quod ex omni  
 parte Virtuti aditus præclusus sit:  
 quod denique nō nisi sordidæ nūdi-  
 nationis ianua referetur. Ante Ho-  
 norē sudorem Dij posuerunt, in-  
 quit Hesiodus, at nostri Dij ante  
 Honorē solam pecuniā posuisse vi-  
 dentur. Vt nihil sit hoc tempore  
 quod pecunia nō faciat, nihil quod  
 sine pecuniæ interuentu, & ministe-  
 rio fieri possit. Sic auro Philippus  
 munitissimas vrbes superauit. Sic  
 Iuppiter in aurū versus Danaë pudi-

citiâ expugnauit. Sic deniq; Æneas  
 aurei rami beneficio fretus etiâ vsq;  
 ad Elysios campos penetrauit.  
 Vt mihi hoc loco cum Horatio ex-  
 clamare libeat,

*Scilicet uxore cum dote, fidemq; & amicos,  
 Et genus, & formam*

Quod si nostris temporibus, ô Ho-  
 rati, vixisses, etiam dixisses, & ho-  
 norem, & dignitatem,

*Regina pecunia donat.*

Et certè istud tibi contra legem, &  
 rationem carminis dicere liceret,  
 quod apud nos contra legem rectæ  
 rationis fecisse laudatur. Quorsum  
 igitur hæc tam multa? Vt intelligat-  
 tis, auditores, id quod mihi ab ini-  
 tio propositum fuit, nemini mirum  
 esse debere, si nunc multò minor,  
 quàm antea bonis temporibus ci-  
 uiū numerus in Musarū, & Apollē-  
 nis vrbe censeatur. Est enim hîc in

nostris umbraculis veri & germani,  
 non ficti & adumbrati Honoris san-  
 ctissimū templum: hīc virtutis se-  
 minarium: hīc bonarum artium  
 emporiū: hīc denique omnis pru-  
 dentiae, officij, humanitatis auspi-  
 catissimæ nundinæ. Quarum rerū  
 omnium non egent illæ pecudes,  
 quibus est pellis aurea, cor plum-  
 beum, os ferreū. Quæ ad suos illos  
 præposteros honores sola pecunia  
 commendantur: quibus sola stulti-  
 tia suffragatur: quarum denique lar-  
 uatæ dignitatis species sola impu-  
 dentia sustinetur. Requiretur for-  
 tasse nūc, hæc omnia cū ita sint,  
 ecquæ tandem spes in posterum for-  
 tunis communibus oboriatur? Mihi  
 verò si ratiocinatione, & coniecturis  
 uti liberet, non alia coniectura po-  
 rior esset: quàm quòd omnia non  
 modò in re literaria, sed etiam in  
 quavis

quavis Reip. parte ita malè sese ha-  
 beāt; vt non aliqua ex parte recrea-  
 ri, sed prorsus in integrum restitui  
 debere videantur. Non secus ac si  
 quis domum videret, cuius recta nu-  
 tarēt, parietes rimis fatilcerent, fū-  
 damenta dissoluerentur, omnia prę-  
 sentem ruinam. minitarentur, nihil  
 dubitationis esset, quin illam aut de  
 integro resciri, aut funditus corruere  
 esset necesse. Sic nos in hoc tā præ-  
 clarè fundato, tam firmis Pietatis &  
 Iustitię cölūnis nixo, tam splendi-  
 dè extructo Gallię regno, cum par-  
 tim civilibus discordiis, partim fa-  
 tali humanarum rerum necessitate  
 omnia iam fracta sint, & conqua-  
 ssata, possumusne dubitare, quin  
 omnia in integrum restaurari debe-  
 ant: cum id non rationem exigere,  
 sed necessitatem cogere videamus?  
 Atqui res ipsa iam non spei, & cō-



iecturarū odore percipitur animis:  
 sed oculis ipsis tenetur, ac manibus.  
 Eam ob causam generales totius  
 Gallix conuentus indicti. Eam ob  
 causam accersitus à Christianissimo  
 Rege post hominum memoriā for-  
 tissimus Princeps. Eam ob causam  
 mali suasores repudiati: qui cū  
 Christianissimi Regis bonitate, &  
 clementia ad prædam, & ad cupi-  
 ditates suas explendas abuterentur,  
 in eius auribus perniciosissimorum  
 suorum sermonū domicilium col-  
 locarant: Qui suis fictis terroribus,  
 & insidiosis criminationibus ita eius  
 animum occuparant, vt afflictæ,  
 & gementis, & ad eius misericordiā  
 supplices manus tendentis Patriæ  
 humiles preces, & iustas querelas  
 exaudire non posset. Quòd si om-  
 nes omnium generum, omnium  
 ordinum homines de hac rerum in

Gallia conuersione omnia sibi fausta, ac foelicia pollicentur: cur non etiam nos Musarū alumni animos erigere, spes attollere, futuræ foelicitatis sortem officiosis gratulationibus præuenire debeamus? Mihi credite, non prius palam factū erit in augustissimo illo, & auspiciatissimo totiūs Galliæ Senatu Virtutis suum locum esse redditum: Pecuniam tanquā sacrilegij damnatam ab honorum & dignitatum sanctissimo limine faceßere iussam: cū omnia passim studiosorum hominū frequentia feruere videbitis. Hoc grato nuntio, tanquam melioris spei sonante classico, ex omnibus Galliæ oris, ac sedibus excitata iuuentus certatim in Musarum militiam nomina profitebitur: & veri honoris, ac dignitatis stipendiis sub Virtutis, & Industriæ signis militabit.

Vos autē ( A dolescentes ) quod sola virtutis pulchritudine illecti vestra sponte iam antea faciebatis, nūc ipsius virtutis voce ad honorem vocati istud idem multò cupidiùs, & ardentius facietis. Non vos Musarū fastidium ad ignauiam abducet: nō iniqua studiorum conditio à labore deducet. Quòd si qui sunt, quibus adhuc spes honestatis, subsidium virtutis, ornamentum dignitatis in paterna pecunia repositum sit, vehementer censeo desistant illis sordidis rationibus niti: & aliis quibusdam artibus id quod animo cōcupierunt, assequi se posse confidāt. Hac enim republica, quæ mox futura est, non iam amplius, vt antea, ineptis, & stultis hominibus dignitas pecunia, sordibus honos, iniustus & iniquis artibus iusti & æqui præfectura quæretur. Non ambitio ad

gratiam, non fortuna ad gloriam,  
 non fortis humilitas ad ludibrium  
 valebit. nihil aliud homines quàm  
 virtus, quàm integritas, quàm in-  
 nocentia ad publicorum munerum,  
 & dignitatum splendorem promo-  
 uebit. Quæ cum ita sint (studiosi  
 Adolescentes) si vos aliqua ratio  
 honoris sollicitat: si dignitatis amor  
 & cupiditas tangit: si natiuæ virtu-  
 tis estis memores: si vestri non estis  
 obliti: vos nunc ad fruēda vestri se-  
 culi cōmoda comparate. in hoc do-  
 ctrinæ studio vos tales ostendite, vt  
 hæc, quæ modò insonabit virtutis  
 buccina cæteros quidem dormiētes  
 excitasse, vos verò currētes incitasse  
 videatur. Denique pro huiusce meæ  
 amantissimæ cohortationis corolla-  
 rio, hâc sacratissimi Imperatoris vo-  
 cem accipite, qua ille prius suę iuue-  
 turis ad studia animos excitauit: nūc



candē Rex Christianissimus vobis  
omnibus, & vestri similibus per to-  
tam Galliam inclamare videtur:

*Vosmetipsos sic eruditos ostendite, ut  
spes vos pulcherrima foueat, toto legi-  
timo opere perfecto posse etiam nostram  
Remp. in partibus eius vobis creden-  
dis gubernari.*

Dixi.















